

جَزَائِدُ حَاكِمَتِ

جمعه ایرتسی

نومرو	ذی الحجہ	سنہ	نیسان	سنہ	صفحہ
۹۷۴	۲	۱۳۱۵	۱۱	۱۳۱۴	۱۳۹۰۱

(اشبو غزته بهر هفته جمعه ایرتسی کونلری چقار . سنه لکی در سعادت ایچون مجیدیه یکر می فروش)
 (حسابیه التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخسی ینہ مجیدیه یکر می فروش اولق اوزره یوز پاره یه هر یرده صاتیلور . درج اولنه جق)
 (اعلاناک هر برندن بر مجیدیه اخذ اولنور . سنه لکنه مشتری اولق استیانلر عدلیه نظاری)
 (دأره سنده کأئن جریده محاکم اداره سنه مراجعت ایلبدر)

(سنه ۳۱۲ تاریخی وایکی عددی ایله صادر اولان)
 (اعلامک)
 ماهمدی

بیان اولنسان اون بش بیک غروش بالتزیل
 قصور قلان فرق ایکی بیک ایکیوز التمش
 غروشک حین تأدییه د کین گذشته نظامیسه
 بالتحصیل مالصندیغه تسلیمنه وجز مذکورک
 تصدیقه وحلول ایتمیان تقاسیط حقنده دخی
 اصول ونظامنه توفیقاً بالاخره اجرای معامله
 اولنسنه وحکمک موقه اجراسنه وملتزم مومی
 البهک مؤخرأ در میان ایلبدیکی بموق عشری

قصر غیرتسی

(خر بوط قصبه سنک اغا محله سنده مقیم زراعدن)
 (هر سنکلی چوته لی زاده اسماعیل بک ایله مالیه)
 (خزینه جلیله سی بیننده متحدث دعوا یه دائر)
 (معموره العزیز استیناف محکمه سندن ۱۷ نیسان)

استماع اولتنامش اولسنه مبنی اعتراضات مذکورہ نك موافق قانون اولدینی بیانندن عبارت بولمشددر .

ایجابی مذاکره اولندقدہ اعلام مذکور مآلندن ا کلاشلدینی اوزره عقد التزامک اصولی دائرہ سنده تمام اولوب اولدیغنیک و ملتزم مومی الیهک قولرا وسائرہ دن ناشی تنزیل بدل ادعا ومدافعه سنک تدقیق ایلماسی وحکمک اساسی حقدہ مدعی عمومینک مطالعہ سی التمامش اولسی یولسز ومغایر قانون بولمش اولدیغنه بناءً اصول محاکمہ حقوقیه قانوننک ایکویز قرق برنجی ماده سی موجبنجه اعلام مذکورک نقصنه وقانون مزبورک ایکویز قرق درنجی ماده سی حکمنه توفیقاً کیفیتک بالرؤیه اعلامه ربطی ضمننده محکمہ مذکوریه اعاده سنه وزیرده مفرداتی مرقم ایکی یوز الی بر غروش مصارف تمیزیه نك ایلروده حقسز چیه جق طرفه عائد اولوق اوزره اوزره اول امرده مدعی علیهدن استیفاسنه ۲۹ جزیران سنه ۳۱۲ تاریخنده متفقاً قرار ویرلدی .



حقدہ کی دعواسندن طولانی بشقه جه مراجعت وقوعنده ایجابیه باقلمسنه و ملتزم مومی الیهک رسومات ادعاسنه کلنجه بودعوانک زراع علیهنده اقامه اولنه بیله جکی جهتله اولوجهله اقامه دعواده مختار اولسنه دائرہ بدایه صادر اولان اعلامک عندالاستیناف تصدیقنه حکمدن ومستدعی تمیزک اشبو حکم علیهنده لایحه سنده محرر باش اوجه اعتراضی مذکور اعشارک مزایده سیچون تنظیم اولنان مزاد قائم سنده کندوسنک مهر وامضاسی اولدینی کبی اعشار مذکور بدلیچون دین سندی دخی ویرمدیکی واعشاره کندو طرفندن وضع بد اولدیغنی بولنده درمیان اولنان ادعا حقدنه تحقیقات لازمه اجراسیله مقتضیات قانونیه نك ایضا ایلمسی لازم کلور ایکن بورالینه اهمیت ویرلمیه رک حکم ابتدائیک تصدیقنه قرار ویرلمسی مغایر قانون اولدیغندن بجهله اعلامک نقضی استدعاسندن ومطالعہ نامه مذکور مندرجاتی دخی عقد التزامک اصولی دائرہ سنده تمام اولوب اولدینی وعقدک وقوعی تعیین ایلمیکی تقدیرده قولرا ووقوعات سائرہ سببیه تنزیل بدل اقتضاسی ایدہ جکی حقدنه واقع اولان ادعا ومدافعات اوزرینه تدقیقات لازمه اجرا قلماش اولدیغندن بجهله نقصانی تدقیقاته واساس حکم حقدنه مدعی عمومینک مطالعہ سی

تیره بدایت محکمہ سنندن ۱۳ تموز سنه ۳۱۰ تاریخنی واون الی عددی ایله صادر اولان اعلامک تمیزینی تیره قصبه سنک حسین چلبی محله سنده مقیم قیراوغلی حسین حسینی افندی باعمرضحال استدا ابتدیکی حالده یوم معینده دائرہ یه کلیوب مدعی علیه قصبه مذکورده ساکن محمد طاهر افندی وکیلی فواد افندی و رود ایتمش اولسیله ایضاحات شفاهیه سیله باش مدعی عمومی معاونلرندن سعادتلو یورغاک افندی نک مطالعہ سی استماع قلندقدن! صکره تمیزیه اجراسنه ابتدار قلندی .

اعلام مذکورک خلاصه مالی مومی الیه طاهر افندی نک وعده لری مرور ایتمش امره محرر ایکی قطعه سند موجبنجه مزبور حسینی افندی ذمتمنده الاجنی اولان التمش اوج عدد لیرای عثمانی ایله اوج ساتیمک تحصیلیه مبلغ مزبورک تأمین استیفای ضمننده مدیون سرقومک غریب پیکارنده واقع عهده تصرفنده بولسان معلوم الحدود بش دونم مقداری ترلاسی دروننده کائن ابنیه وقله سی اوزرینه وضع ابتدیرمش اولدینی ججزک تصدیقی طلب ودعوی وعند المحاکمه اثبات مدعا ضمننده مذکور سندلری

ابراز واعطا ایتمسنه قارشو مومی الیه حسین حسینی افندی دخی مذکور سندلرده کی ختمنی انکار ایله برابر مذکور ترلابی مع ابنیه وقف ایلمدیکنندن ججز واقعهک جائز اوله میه جغنی مدافعه بسط و بیان ایلمسی اوزرینه جریان ایدن محاکمه وتدقیقات نتیجه سنده مبلغ مدعا بهک مومی الیه حسین حسینی افندی نک تحصیلیه ججز موضوعک تصدیقنه حکمدن ومستدعی تمیزک اشبو حکم علیهنده لایحه سنده محرر باش اوجه اعتراضی مستند ادعا اولان سندلر امره محرر اولوب بومثللو امره محرر سندادن متولد دعاوی نك فصل ورؤیتی محاکم تجارتیه عائد اولدینی حالده محکمہ جه وظیفه خارچنده اوله رق رؤیت دعوی اولتمسی مغایر قانون اولدیغندن بجهله اعلامک نقضی استدعاسندن ومدعی علیه وکیلک نتیجه جوابی اعتراضات مسروده نك واهی اولدینی بیانیله ردی وموافق قانون اولان اعلامک تصدیقی طلبندن ومعاون مومی الیهک مطالعہ سیدخی دعوی واقعه جهت کفالته مستند اوله رق معاملات کفالت ایسه امور تجاریه دن اولدیغنه مبنی وظیفه حقدنه کی قرارک موافق قانون اولدینی بیانندن عبارت بولمشددر .

ایجابی مذاکره اولندقدہ اعلام مذکور

مطالعه سندن اگلاشله دینی اوزره مستند ادعا اولان
 مبرز سندلر کرچه امره محرر ایسه ده گذشته لی
 اولوب جیرو طریقله دور اولنه کلور مستندات
 تجاریه ممتازه دن اولدینی و بدایه مدعی بولنان
 طاهر افندی جیرویه استناداً اقامه دعوا یه
 صلاحیتی بولمیدینی حالده محکمه جه بوراسنه دقت
 اولمیه رقی بویولده اجرای محاکمه و حکم اعطاسی
 یولسز و مقایر اصول و قانون اولدیغندن اصول
 محاکمه حقوقیه قانوننک ایکی یوز قرق برنجی ماده سی
 موجبنجه اعلام مذکورک تقضی ابله قانون مزبورک
 ایکی یوز قرق درونجی ماده سی حکمنه توفیقاً کیفیتک
 یکیدن بالرؤیه اعلامه ربطی ضمننده محکمه مذکوریه
 اعاده سنه وزیرده مفرداتی مرقم اوج بوز سکسان
 درت بچق غروش مصارف تمیزیه نک ایلروده
 حقسز چقه حق طرفه رجوع ایتک اوزره اول
 امرده مستدعیدن النسنه ۶ قانون اول سنه
 ۳۱۱ تاریخده منقاً قرار ویریله رک و کیل مومی
 الیهه تفهیم قلندی .

اعلام مذکورک خلاصه مالی مرقوم پنانو

مرقوم قوقولینک یورکی نام کسنه ذمتده الاجنی
 اولان محکوم به مبالغدن طولایی بلزایده کندوسنه
 احاله ایدلش اولان ملک باغک بیعی مؤخرأ
 فسخ ایدلش اولدیغندن بختله نمن اوله رقی ویردیکی
 اقیه ایله اولبابده کی مصارفاتنک بالغ اولدینی
 التمش بیک غروشک مرقوم قوقولیدن تحصیلنی
 طلب وادعا ایتش ایسه ده مشتری مرقومک
 نمن میعدن طولایی مدعی علیه حق مراجعتی
 اولدینی استینافاً صادر اولان اعلام ایله مقدما
 تحت قراره الذدینی جهته ادعای مذکورک ردینه
 دائر اوله بدایت محکمه سندن صادر اولان
 اعلامک محکمه مذکورجه استینافاً بالتدقیق

تصدیقنه قرار ویرلدیکندن و مستدعی تمیزک
 اشبوا اعلام علیه ده باشلوجه اعتراض کندوسنک
 نمن مبیع ایله بایعه حق مراجعتی در کار اولدینی
 حالده محکمه جه بوراسنک نظر دفته النیه رقی
 وقتیه ویرلش اولان بر اعلامه استناداً حکم اولنسی
 مقایر اولدیغندن بختله اعلامک تقضی استدعاسندن
 عبارت بولمشدر .

ایجابی مذاکره اولندقدعه اعلام مذکور مندرجا

سندن منقهم اولدینی اوزره مرقوم پنانونک اقامه
 ایلدیکی دعوی منازع فیه باغک حکماً کندوسندن
 استرداد ایدلسیله ویرمش اولدینی نمن ایله
 مصارفات واقعه سنی طلبدن عبارت اولسنه نظرأ
 مرقومک ادعای واقعتک استماعیله محاکمه و تد
 قیقات لازمه بعد الاجرا دعوانک تحت قراره
 النسی لازم کلور ایکن درجه اولی محکمه سنجه
 تمیزاً نقض اولنان اعلام استینافی به استناداً
 مرقومک رد ادعاسنه قرار ویرلسی یولسز
 اولدینی حالده از میر بدایت محکمه سنجه بورالری
 نظر دفته النیه رقی و اعلام ابتدائی فسخ اید
 لیه رک بالعکس تصدیقنه قرار ویرلسی مخالف
 قانون اولدیقنه بنسأ اصول محاکمه حقوقیه
 قانوننک ایکی یوز قرق برنجی ماده سی موجبنجه

اعلام مذکورک تقضیه قانون مزبورک ایکی یوز
 قرق درونجی ماده سنه توفیقاً کیفیتک بالرؤیه اعلامه
 ربطی ضمننده محکمه مذکوریه اعاده سنه وزیرده
 مفرداتی مرقم اوج بوز سکسان اتی بچق غروش
 مصارف محاکمه نک ایلروده حقسز چقه حق
 طرفه رجوع ایتک اوزره اول امرده مستدعیدن
 اخذ اولنسنه ۷ مایس سنه ۳۱۲ تاریخده منقاً
 قرار ویرلدی .



نیک بدایت محکمه سندن ۲۷ ثمرین اول

سنه ۳۰۹ تاریخی والتمش ایکی عددی ایله ویریلان
 اعلامک تمیزینی استندا ایدن شام شریفده
 مقیم طیب سمعان و دیمتری ایله مدعی علیه معره
 الصید نابا قریه سنده متمکن عبدالغنی افندی یوم
 معینده دائره به کمدکاری کی مدعی علیه طرفندن
 جواب لایحه سی دخی ویرلدیکندن بالکتر مستد

عینک اعتراض لایحه سی بالمطالعہ تدقیقات تمیزیه
اجرا سنہ ابتداء اولندی .

اعلام مذکورک خلاصہ مالی مرقوم عبد
الغنی افندیکنک مناصفہ متصرف اولدینی قریہ
مذکورہ کائن معلوم الحدود برقطعه عرصہ نک
نصفی مرقومان سمعان ودیمتری قریہ مذکورہ
اھالیسندن ابراھیم سیدہ اوغللری عبدو ویوسف
نام کسنلرہ یدیبوز غروش بدل مقابلندہ بیع
وفروخت ایتملر ایسده کندوسی بیع واقعی
استماع ایتمدیکی اندہ بحسب الشفعہ شرایہ طالب
بولندیقی اصولی دائرہ سندنہ استشهاد و مشرتیان
مرقومانہ مراجعت ایلمش اولدینی خالدہ مرقومان
عبدو ویوسف بدل مذکوروی قبضدن و عرصہ مذ
کورہ بی فراغدن امتناع ایلمکده اولدقلرندن بحثلہ
مذکور عرصہ نک کندوسنہ فراغہ مرقومانک
مجبور طوتلمسنی طلب و دعوی ایتمسی ومدعی
علیھمادن عبدو دعوت واقعہ بہ اجابت ایتماسی
اوزرینہ انک حقندہ تعیین قننان و کیل مسخر
حضوریلہ سبق ایدن محاکمہ و تدقیقات نتیجہ سندنہ
مدعی علیھمادن حاضر بولنسان مرقوم یوسف
شرانک وقوعی کلیاً انکار ایتمسنہ مبنی اساساً
بایع بولنسان مرقومان سمعان ودیمترینک جاییلہ

استجوابلرینہ قرار ویرلد کدن صکرہ تعیین اولننان
کونده بایمان مرقومانک دخی اجابت ایتملرندن
طولای اجرا قننان تدقیقاتدہ عرصہ مذکورہ
حقندہ بیع وقوعبولوب بولدیغنک تحقیقی ضمنتدہ
بایمان مرقومانک شرانک وقوعبولدیغنہ دائر
اجرای تحلیقلری لزومنہ و مرقومان تکلیف
اولننان یعنی بالقبول اجرا ایدرلر ایسہ کندولرینک
برائتنہ و قبولدن استنکافلری تقدیرندہ شفعمک
ثبوتنہ حکمدن واشبو حکم علیھندنہ مستدعی
تمیزلرک لایحہ لرندہ محرز اعتراضلرینک باشلوچه
سی مدعی طرفندن مشتری دنیلان شخصلر
علیھنہ اقامہ دعوی اولنمش و مرقومانک دعوی
واقعہ بی انکارلری اوزرینہ کندولری بایع انخاذ
اولنسنہ کورہ مشرتیلر حقندہ کی دعوانک
منعیلہ کندو حقلرندہ یکیدن استدعا تقدیم ایتدہ
یرلمکسزین اجرای محاکمہ و تحلیقلہ قرار ویرلمسی
بولسز اولدیغندن بحثلہ اعلامک تقضی استدعاسندن
عبارت بولنمشدر .

ایجابی مذا کرہ اولنسدقدہ اعلام مذکور
مألندن اکلاشلدینی اوزرہ مدعیکنک شفعمدعواسندنہ
خصمی مشرتیلر اولدیغندن مدعی دعوی
مذکورہ سی مشرتیلر مواجہہ سندنہ اقامہ و اثبات

ایتمک و اثباتدن اظھار عجز ایلدیکی تقدیردہ
مشرتیلرہ بین تکلیفییلہ فصل مدعا ایدمک قانوناً
لازم کلور ایکن بایعلری خصم طانیہرق انلر
علیھنہ تحلیقلہ تعلیقاً حکم اولنسی مغایر قانون
اولدیغندن اصول محاکمہ حقوقہ قانوننک ایکویز اوتوز
ایکنجی مادہ سی موجبجہ اعلامک تقضیلہ قانون
مذکورک ایکویز قرق دردیجی مادہ سی حکمنہ
توفیقاً کیفیتک بروجه مشروح یکیدن اعلامہ
ربطی ضمنتدہ محکمہ مذکورہ اعادہ سندنہ
وزیردہ مفرداتی مرقم اوچیوز قرق بش غروش
مصارف تمیزیلرک ایلرودہ حقسنز چیقہ حق
طرفہ رجوع ایتمک اوزرہ اول امردہ مستند
عیلردن اخذینہ ۲ مایس سنہ ۳۱۳ تاریخندہ متفقاً
قرار ویرلدی .

اعلام مذکورک خلاصہ مالی مزبور
قسطاک کی کرہ قوف پدری متوفی بناقو انا حوصہ
قضاسندنہ کائن حال حیاتندنہ متصرف اولدینی
معلوم الحدود عبار نامیلہ معروف برقطعه مقالہ
نامہ موجبجہ و بشبیک یوزالی عددلیرای عثمانی
مقابلندہ کسکین ودیمتری ویدی نفر رفقاسنہ
مأمورینک اذنی اولقسزین فراغ و مرقومون دخی
مؤجلاً بدائی ویرمک شرطیلہ تفرغ واشترا
ایلمشلر ایسده بر موجب مقالہ بدل مذکوروی
اعطا ایتمدکلری کی اخیراً برای اسکان کلش
اولان الی ایکی نفر دخی مذکور مقالہ بی تجدیداً
تأیید ویکدیگریسنہ کفیل بالمال اولہرق تعهد
ایتدکلری خالدہ یسنہ بدل مذکوروی تأدیہ وایفا
ایتماش و پدرینک وقاتیلہ منازع فیہ چقتلک

ادرنہ دہ رستم پاشا خانندنہ ساکن صراف
قسطاک کی کرہ قوف ایلہ ادرنہ ولایت جلیلہ سندنہ

کندوسنه انتقال ایتیش اولدیغندن بختله بدرینک حال حیاتنده المش اولدینی مبالغتک رؤیت محاسبه سیله بر موجب مقاوله مذکور چفتلکک حال سابقته ارجاعی ضمننده معلوم الاسامی یوز سکر نفر کسانک جلیله امر محاکمه لرینگ اجراسنی حوصه بدایت محکمه سنه مراجعتله طلب ودعوی وتنویر مدعا ضمننده مذکور مقاوله نامه ابله برقطه اعلام ابراز واعطا ایتد کدن ومدعی علیهم اولان اشخاصدن الی ایکی نفری وقوع بولان دعوته اجابت ایتیه رک محافظه حقوقلری ضمننده محکمه جه پرو کیل مسخر تمین قلندقدن ومحکمه ده اثبات وجود ایدن اشخاص سائره چفتلک مذکور بدیل معلوم مقابلنده مقاوله رسمیه مستند اوله رق تفرغ ایدوب بدانی تماماً اوده مدکارندن مدعی مزبور مأموری حضورنده معامله فراغیه سنی اجرا ایتدیکی حالد بورجلربی اعطا ایدو جکلربی مدافعه انبا ایلملری اوزرینه جریان ایدن محاکمات وتدقیقات نتیجه سنده متوفی یناقولمنزاع فیه چفتلکی تشکیل ایدن ترا وسائر مشتملاتی بامقاوله نامه رسمی حال حیاتنده مدعی علیهمدن بعضیلرینه فراغ ایتیش ایسه ده فراغ مذکور حقننده اراضی مأمورینک اذنی لاحق اولدینی جهته کالم یکن حکمنده اولوب

مداخله واقعه لری برحق قانونیه به مستند اوله میوب فضولی بولندینی ثابت اولدیغندن منعیه مذکور چفتلکک بحسب الوراثه مدعی قسطا کی به تسلیمنه ومدعی علیهم طرفلرندن انشا اولنان خانه ودکان وسائره حام اراضی اوزرینه انشا قلندینی ومذکور چفتلکک قریه تشکیلنه دائر اراده سنیه شرفتملق بیورلمدینی جهته بونلر حقننده اوله حق معامله مأمور مخصوصنک طلب وادعاسنه متوقف بولندیغندن مدعینک بوخصوص حقننده کی ادعاسنک ردینسه دائر محکمه مذکورهدن ویریلان اعلامک عندالاستیناف تصدیقنه حکمدن ومستدعی تمیز اهالی قریه وکیلنک اشبو حکم علیهنده لایحه سنده محرر اعتراضنک خلاصه سی موکلری متعدد اولدینی وهربرلری ابرو ابرو محله تصرف ایتمکده بولندقلره حاله مدعینک بونلر علیهنه اقامه ایدو چکی دعوی ایچون هربری علیهنه ابرو ابرو استدعا تقدیم ایتک لازم کلور ایکن عندالاستیناف درمیان ایتیش اولدقلری اعتراضلرینگ بلا موجب ردیله بدایت محکمه سی اعلامنک تصدیقنه قرار ویرلمسی یولسز ومغایر قانون اولدیغندن بختله اعلامک قضی ومدعی علیه قسطا کینک لایحه سننده مندرج نتیجه

اجوبه سی ایسه اعتراضات مسروده نک واهی و بی اساس اولدینی بیانیه ردی وموافق اصول وقانون اولان اعلامک تصدیقی طلبندن عبارت بولمشدر .

ایجابی مذاکره اولندقده اعلام مذکور مطالعه سندن منضم اولدینی اوزره منازع فیه اولان اراضی قطعه واحده اولیوب ترلاوقوری وچایر ومرعی وبغچه وخرمن یری کی انواع مختلفه نی شامل وهربرقطه ابرو ابرو کسانک تحت تصرف وزراعتلرنده بولمق حسیله اراضی مذکورهدن قننی قطعه سنه کیملر طرفندن مداخله ووضوع ید اولندقده ایسه مداخللر علیهنه بشقه بشقه استدعا تقدیمیه اقامه دعوی اولتمق لازم کله چکنه کوره منازع فیه اولان قطعه لریک واضع ایدلری علیهنده بشقه جه عرضحاللر اعطا وحدودلری تمین ایتدیریلرک برر برر محاکمه لری اجرا ایدلک قانوناً مقتضی اولدینی حاله اراضی مذکورهدن قطعه واحده شکننده عدیله جمله سیچون اعطا اولنان عرضحال اوزرینه رؤیت دعوی اولتمسی ومنازع فیه اراضی میاننده ملک دخی اولسنه نظراً تقدیر وهانکیلرینگ اراضی مملو کدن اولدیغنک تفریق وتعیینیه اولبسابده

حاصل اوله حق نتیجه به کوره اعطای حکم ایدلمسی لازم کلور ایکن بوجهت حقننده دخی اجرای تدقیقات اولنماسی ومدعی علیهم طرفندن اراضی مذکورهدن اوزرنده بعض ابینه انشا ایدلیدیکی وانشاآت واقعه نک سبب ملک شرعی زعمنه مبتنی اولدینی جهته سالف الذ کرایینه نک قیمتلرینه نظراً قننی طرفه عائد اوله جنی حقننده تدقیقات اجراسیله تین ایدو چک حاله کوره حکم وقرار ویرلمک لازم کلور ایکن عندالاستیناف اولبایده کی مدافع سنک نظر اعتباره التمسیرین بروجه محرر حکم اولتمسی یولسز ومغایر قانون اولدیغنه ومستدعیر وکیلنک اعتراضی دخی بوجهته متدائر اوله رق شایان قبول بولندیغنه بناء اصول محاکمه حقوقیه قانوننک ایکی یوز اوتوز ایکنچی وایکیوز قرق برنجی ماده لری موجبنجه اعلام مذکورک تقضیه قانون مزبورک ایکیوز قرق دردیجی ماده سی حکمنه توفیقاً کیفیتک صور محرره دائره سنده اعلامه ربطی ضمننده محکمه مذکورهدن اعاده سنه وزیرده مقررانی مرقم یوز الی سکر ییچ فروش مصارف تمیزیه نک ایلروده حقسز چیه حق طرفه رجوع ایتک اوزره اول امرده

مستدعیان در سنه ۲۷ حزران سنه ۳۱۲ تاریخیده
متفقاً قرار ویرلدی .

جمال بك ايله مشتركاً متصرفه بولنديني معلوم
الحدود يوز التمش دونم مقداری اراضيدن
مومی ايله جمال بك حصه سنی مومی ايله عبده
افندی به فراغ ایلمش ایسه ده کندیس اراضی
مذ کورده خلیط و شریک بولمش اولدیندن
بدل فراغ اولان التمش اوج لیرایی کندوسندن
اخذ ایدرک اراضی مذ کورده مومی ایلمه
فراغه مومی ايله عبده افندیك مجبور طوتمسنی
طلب و دعوی ایتمی اوزرینه جریان ایدن محاکمه
و کشف و تدقیقات نتیجه سنده اراضی منازع
فیهایه مومی ايله عبده افندی واضع الید اولیوب
مدعی مزبوره روحیه خانم واضع الید اولدینی
استماع قلنان شهودك شهادتیه تحقق ایتمکله
مزبوره روحیه خانم مومی ايله عبده افندی به
خصومتی توجه ایدمه بکنه بناء مجله نك بیک
یدی یوز الی دردیجی و بیک التیوز اوتوز بشنجی
ماده لری موجینجه مدعی مزبوره نك رد اداسنه
حکمدن و مستدعی تمیز روحیه خانم اشبو
اعلام علیه سنده لایحه سنده محرر باشلوجه اعتراضی
خصمی عبده افندیك منازع فی اراضی به واضع
الید بولندی طرفینک تحت تصادقنده بولندی
کی یینه ايله دخی ثابت بولندی حالد خصمی
عبده افندیك وضع یدینک عدم ثبوتسه حکم

حیدر پاشاده قوری چشمه جوارنده چینار
سوقاغنده مقیمه فاطمه روحیه خانم ايله سلانیکده
نوره قوب قضاسنه تابع دلقوه قریه سی اهالیسندن
خواجه عبده افندی بیننده متحدث دعوی به
ذاثر نوره قوب بدایت محکمه سندن ویریلان ۲
حزران سنه ۳۱۲ تاریخی و اوج عددی اعلامک
تمیزی مزبوره فاطمه روحیه خانم جانبندن
استدعا ابدلکله اعلام مذ کور یالکزم مستدعی نك
اعتراض لایحه سبله بالمطالعه تدقیقات تمیز به اجرا سنده
ابتدار اولدی .

اعلام مذ کورک خلاصه مالی مزبوره
روحیه خانم دلقوه قریه سی حدودی داخلنده
ا کری سکود نام محله واقع اولوب زوجی

ایدلسی مخالف قانون اولدیندن بمخله اعلامک
تقاضی استدعاسندن عبارت بولمشدر .

ایجابی لیدی المذا کره اعلام مذ کور
مطالعه سندن اکلاشلدینی اوزره دعوی واقعه
مومی ايله عبده افندیك تفرغ ایلدیکی اراضیده
مستدعی تمیز روحیه خانمک خلیط و شریک
بولندی جهتله مدعی علیه مومی ایلهمک تفرغ
ابتدیکی حصی کندوسنه فراغه مجبور ایدلسی
خصوصندن عبارت اولوب شو حاله نظر امستدعی نك
شریک و خلیط اولوب اولدینی تدقیق ايله تبین
ایده جک حاله کورده حکم ایدلک لازم کلورایکن
دعوی مذ کورده ذی الیدلکک اثباتنه لزوم
قانونی بولندی حالد ذی الیدلکک عدم ثبوتی
جهتیه خصوصتک عدم توجهنه حکم ایدلسی
دعوی ایدلسان برجهته حکم دیمک اولوب
مخالف اصول و قانون اولدیننه بناء اصول محاکمه
حقوقیه قانوننک ایکوز قرق برنجی ماده سی
موجینجه اعلام مذ کورک تقضه و قانون مزبورک
ایکوز قرق دردیجی ماده سی حکمنه توفیقاً
کیفیتک صورت مشروحه دائره سنده بالرؤیه
اعلامه ربطی ضمننده محکمه مذ کورده به اعاده سنده
وزیرده مفرداتی مرهم اوج یوز سکسان سکر

یحق غروش مصارف تمیزیه نك ایلروده حقسز
حیقه حق طرفه رجوع ایتمک اوزره اول امرده
مستدعی روحیه خانم سنه ۱۸ مارت سنه
۳۱۳ تاریخیده اکثریت آرا قرار ویرلدی .

چرکش بدایت محکمه سندن ۲۳ اغستوس
سنه ۳۰۶ تاریخی ویکرمی بشن عددی ايله صادر
اولان اعلامک تمیزی زراعت بانکه سنده اضافتله
چرکش قضای زراعت بانک شعبه سی مأموری
محمد شکری افندی طرفندن باعرضحال استدعا
قلنمش و یوم معینده بانک مذ کور و کیلی اوخانس
افندی و کاله کلوب مدعی علیه قضاء مذ کورک
او قیلر محله سی اهالیسندن حسین چاوش زاده
محمد اغا کلدیکی کی جواب لایحه سی دخی
کوندر مامتی اولدیندن یالکزم و کیل مومی
ایلهمک ایضاحات شفاهی سبله باش مدعی عمومی
معاونلرندن ابراهیم بکک مطالعه سی استماع قلندقدن

صکره تدقیقات تمیزیه اجراسنه ابتدار اولندی .
اعلام مذکورک خلاصه مالی چرکش
قضاسی زراعت بانق شعبه سی مأموری محمدشکری
افندی مرقوم محمد اغانک محلی زراعت بانق سنه
برقطعه سند موجبنجه ازغیر تسلیم دینی بولسان
بیک بوز اوتوز غروش اون پاره نک تحصیلنی
طلب ودعوی ایتمسنه قارشو عندالحا که مرقوم
محمد اغا دخی سند مذکور کندوسنک اولدیغنی
انکار وصدق مزبوردن بر کونه ایچہ المدیغنی
تذکار ایلمش ایسه ده اولبایده اجرا قلنان
محاکمه وتدقیقات نتیجه سنده مدعی علیه مرقومک
برموجب سند رأس المال اوله رق دینی اولان
درتیوز قرق سکر غروشدن سکه فرقی بالتغزیل
باقیسنک مع فائض بالغ اولدیغنی اوچوز التمش
اوچ غروشک مرقوم محمد اغادن تحصیلنه حکمدن
ومسندعی تمیز بانق وکیلنک اشبو اعلام
علیهنده لایحه سنده محرر باشلوجه اعتراضی اننای
محاکمه مدعی عمومینک حضوریه مطالعه سنک
استماع قلنامسی ومبلغ مذکورک بوزده اون ایکی
وظقوزدن قانض حساب اوله رق اولوجهله
تحت حکمه النسی لازم کلور ایکن محکمه
مذ کوره جه بورالری نظر دفته التیهرق برمنوال

مابعدی وار

اعلان

اوچ یوز اون درت سنه سی ذی الحجه نک
بشنجی کیجه سی قدره قضاسنه تابع ایچہ اووه

ناحیه سنک صقاللر قریه سنندن طراچی اوغلی
عبدی زوجہ سی صبیبه نک خانه سننه بالدخول
اشیاسنی سرقت ایتمدیکی ادعا قلنمسنندن دولایی
مظنون اولوب حال فرارده بولنان ودرسعادت
هیئت اتهامیه سنندن بالاتهام حقننده اخذ وکرفت
مذ کوره سی ویرلمش اولان اورته بویلی صاری
کوزلی سیاه تر بیقلی مدور چهره وچکلی
قرال قاش وصاچلی اینجه اوزونجه برونلی
قالین دوداقلی بغدادی رنگلی یکریمی اوچ یاشلرنده
روم ایلینک سلوی قضاسنک چادرلی قریه سنندن
اولوب مذکور صقاللر قریه سنندن بیراقدار
اوغلی مهاجر محمد بن خلیل الآن اله کچوریله
مامش اولدیغندن اصول محاکمات جزاییه قانوننک
اوچ یوز بتمش برنجی ماده سننه توفیقاً قانونه
اطاعتله محکمه یه کلک اوزره تاریخ اعلاندن
اعتباراً فراری مرقومه جانب ریاستندن اون
کون مهل ویرلمش اولمغه مدت مذ کوره ظرفنده
محکمه یه کلدیکی حالده قانونه اطاعت ایتمامش
نظریله باقیله رق محاکمه سی غیاباً بالاجرا حقوق
مدنیه دن اسقاطیه اموالی چیز ایدیله چکی
وبوانتاده مرقومک اقامه دعوایه حتی اوله میه جنی
کبی مرقومک بولندیغنی محلی بیلمنلر خبر ویرمه که وبالجمله
ضابطه عدلیه مأمور لرینک مرقومی در دست

۲ مارت سنه ۳۱۴

فضیلتو حسن حسنی افندی نک کدک باشاده
امیر کمال محله سننده تیاترو جاده سننده مکرر اوچ
نومرولو خانه ده مستأجراً ساکنه اغاونی قادین
علیهنه اوله رق درسعادت بدایت محکمه سی برنجی
حقوق دائره سنندن استحصال ایلدیکی برقطعه
اعلام غیابی موجبنجه مذکور خانه نک بالتخلیه
افندی مومی ایبه تسلیمی وبدل ایجارینک
مزبوره دن تحصیل محکوم بولنش و مزبوره نک
غیبوتی جهتیله اعلام مذکورک صورت مصدقه سی
بعدا لاعلان محکمه مزبوره دیوانخاسنه تعلیق
ومزبوره نک الان غیبوتی تحقق قلنمش اولمغه
اجرا قانوننک یکریمی طقوزنجی ماده سی موجبنجه
اوچ ماه ظرفنده اثبات وجود ایدرک مراجعت

ایتمدیکی تقدیرده غیابنده حکم اعلامک اجرا
قلنه جنی درسعادت اعلامات نظامیه اجرا دائره.
سندن اعلان اولنور .

۱۲ مارت سنه ۳۱۴

تقرر اتمکله یوزده بشن ضم ایله طالب اولنلرک
ودها زیاده معلومات المق استیانتلرک تاریخ اعلاندن
اوتوز بر کونه قدرنی اچقه لریله برابر درسعادت
اعلامات نظامیه اجرا دائره سنه مراجعت ایلملری
اعلان اولنور .

۱۹ مارت سنه ۳۱۴

موهبه خانمک بااعلام نظامی فهیمی افندی
ذمتنده کی محکوم به مطلوبنک تأمین استیفاسی
ایچون مومی الیهک متصرف اولدینی خواجه
باشا قربنده امیر محله سنده مرادیه جاده سننده
واقع تخمیناً یوز ارشون عرصه اوزرینه مبنی
بش نومرولی دکان و محله مذ کورک قبله چشمه
سی جاده سننده واقع مذ کور دکانک فوقنده
یدی نومرولی و جموعی شهری درتیوز غروش
ایجاری بر باب خانه نک یوز یکریمی سهم اعتباریه اون
سکر سهم حصه سی التمش بر کون اجرا قلنان
مزایده نتیجه سنده ولیرا یوز غروش حسابیه
اون بیک بش یوز غروشده طالبی عهده سنده

سعادتلو رشید افندینک ملکیه قائم مقاملرندن
توفیق افندی ذمتنده بااعلام نظامی محکوم به
مطلوبنک تأمین استیفاسی چون بجز وفروختی
تحت قراره النان کوچک بازارده خواجه خیر
الدین محله سنده تخمیناً بتمش ایکی ارشون عرصه
اوزرینه مبنی اوچ قاندن عبارت اتی اوطه
وبرمطبخ و مشتملات سائرینی حاوی و شهری
یوز قرق غروش ایجاری یکریمی یدی نومرولی
بر باب کار کیر خانه نک تاریخ اعلاندن اون بش

کون صکره بلمزایده فروخته تثبت اولنه جنی
درسعادت اعلامات نظامیه اجرا دائره سندن
اعلان اولنور .

۲۳ مارت سنه ۳۱۴

وتخمیناً طقسان ارشون عرصه اوزرینه مبنی ایکی
اوطه و برصوفه و برمطبخ و برقیو و برتخته بوش
وخانه مذ کورک تحتنده واقع اون یدی نومرولو
وتخمیناً قرق بش ارشون عرصه اوزرینه مبنی
بقال دکانی وارقه جهتنده بر اوطه پی حاوی
خانه ود کانلرک نصف حصه لری تاریخ اعلاندن
اعتباراً اون بش کون صکره بلمزایده فروخت
ایدیله جکی اعلامات نظامیه اجرا دائره سندن
اعلان اولنور .

درسعادت اعلامات نظامیه اجرا دائره سی

وزنه دار اسبقی حاجی حق افندی ذمتنه کچوردیکی
معلوم المقدار مبالغک تأمین استیفاسی ایچون بجز
وفروختی قرالشدیریلان اقسرایده جلاد چشمه.
سنده بقله لی کال الدین محله سنده لنگه جاده سننده
واقع الی اوچ نومرولو و تخمیناً بیک یدی یوز
ارشون بوستان وینه محل مذ کورده الی یدی
نومرولو و تخمیناً یوز سکسان ایکی ارشون عرصه
اوزرینه مبنی درت اوطه و برمطبخ و براب دستخانه
وخانه مذ کورک تحتنده قرق بش ارشون
عرصه اوزرینه مبنی بقال دکانی وینه خانه نک
تحتنده واقع الی بش نومرولی و تخمیناً اوتوز
اتی ارشون عرصه اوزرینه مبنی بر باب دکان
ایله یزه محله مذ کورده اون طقوز نومرولو

۱۴ مارت سنه ۳۱۴

فاطمه خانمک امینه خانم ذمتنده محکوم به
الاجنی اولان معلوم المقدار مبالغک تأمین
استیفاسی ضمننده قاسم پاشاده یحیی کتخدان و قندن
بدرالدین محله سننده جامع زقاعنده بش نومرو
ایله مرقم متصرفه اولدینی بر باب خانه سی بک
اوغلی بدایت محکمه سی ریاست اولیسی جانبدن
اعطا بیوریلان قراره توفیقاً تحت بجزه التمش

اولفله تاریخ اعلاندن اعتباراً اون بش کون صکره
بالمزایده فروخته تشبک اولنه جنی بک اوغلی بدایت
محکمه سی اجرا مأموریتی جانبندن اعلان اولنور .

۱ نیشان سنه ۳۱۴

اعلامده مرقوم لیفور طرفندن مظفر بکک
چفتک بدلی اوله رق دائره اجرا ده محفوظ
اولوب داینلرینه تاند بولنان مبالغه وضع ایدلمش
اولان حجزک فکی ومصارفک تحصیلنه محکمه
مذ کوره جه تحت حکمه انمش و مرقوم لیفورک
غیبوتی جهتیله اعلام مذ کور صورت مصدقه سی
بعدالاعلام محکمه مزبوره دیوانخانه سنه تعلیق
قلندی کی مرقومک الآن غیبوت ایتدیکی
اکلاشلمش اولدیقندن اجرا قانونک یکر می
طقوزنجی ماده سی موجبجه مرقومک اوج ای
ظرفنده اثبات وجود اتمسی و ایتدیکی تقدیرده
حکم اعلامک اجرا قلنه جنی در سعادت اعلامات
نظامیه اجرا دائره سندن اعلان اولنور .

۱۰ مارت سنه ۳۱۴

غلطه لیان دائره سنده بلا نومرولو مغازه ده
مقیم سفان لوازمات تجارتدن غائب لیفور ولد
نیقولایدیسک مظفر بک ذمتنده الاجنی اولان
مبالغت تأمین استیفاسی چون حکمجه کیر قضاسی
داخلنده قیادق تعیر اولنان چفتلکده واقع نصف
حصه سی اوزرینه جزو وضع ایتدیرمش و بالاخره
میر موسی الیه ذمتنده الاجقاری اولان داینلر
مذ کور چفتلکی فروخت ایتدیره رک معامله
فراغیه نک اجرا قلنه جنی اولان مبالغ وزنده
حفظ ایدلمش ایسه ده مدعیلردن سیمون بو کره
در سعادت بدایت محکمه سی برنجی حقوق
دائره سنه بالمراجعه استحصال ایلدیکی برقطعه

(مطبعة حاصره ده طبع اولمشدر)